

**ZAPISNIK
SA 25 PROŠIRENE ON LINE SJEDNICE UPRAVNOG ODBORA
UDRUŽENJA POSLODAVACA FBiH**

održane dana 23.03.2021. godine (utorak), sa početkom u 11:00 sati, putem ZOOM aplikacije

Sjednici su prisustvovali članovi Upravnog odbora UPFBiH: Adnan Smailbegović, Nijaz Skenderagić, Safudin Čengiđ, Krasnodar Petrović, Adisa Karahodžić i Želimir Čamber.

Sjednici su po ovlaštenju članova Upravnog odbora UPFBiH prisustvovali: Alija Čolaković (po ovlaštenju Nurdina Peštalića), Nihad Begić (po ovlaštenju Stjepana Kumrića), Adnan Bukva (po ovlaštenju Šejla Bojadžija, Samir Alić (po ovlaštenju Snježane Kopruner) Darko Josipović (po ovlaštenju Velinke Lujinović),

Sjednici nisu prisustvovali članovi Upravnog odbora UPFBiH: Kemal Čolak, Ivan Ljubić, Rusmir Hrvić, Jadranka Penava, Ante Suton, Ramiz Grapkić, Suad Ećo, Vilim Primorac i Eldin Hadžiselimović.

Sjednici su pored članova UO članovi ESV-a Edin Ibrahimpašić, Zoran Gazibarić i Senad Džambić te predsjednici Grupacija i članovi UO KS.

Ispred UP FBiH: Mladen Pandurević i Mersiha Jusić.

Sjednicu je otvorio Adnan Smailbegović i predložio slijedeći:

DNEVNI RED

1. Usvajanje Zapisnika sa 24. proširene sjednice Upravnog odbora UPFBiH;
2. Razmatranje pitanja „Minimalne plate za teritoriju FBiH“
3. Razmatranje Inicijative UPFBiH za doniranje sredstava za nabavku vakcina protiv COVID 19;
4. Tekuća pitanja;

Dnevni red je usvojen jednoglasno uz dopunu da se pod tekućim pitanjima razmatra:

- **Pitanje ograničenja marži**
- **Mišljenje Ministarstva finansija FBiH u vezi sa oporezivanjem udjela**

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa 24 proširene sjednice UO UP FBiH

Predsjednik je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

A.D.1.1: Zapisnik sa 24. Proširene on line sjednice UO UP FBiH je jednoglasno usvojen.

Tačka 2. Razmatranje pitanja „Minimalne plate za teritoriju FBiH“

Predsjednik UO je upoznao prisutne sa ovom tačkom dnevnog reda ističući da je rukovodstvo UPFBiH došlo do informacije da je Ministarstvo finansija FBiH predložilo povećanje minimalne plaće i da je Ministarstvo imalo nekoliko sastanaka sa sindikatom, te da imaju saznanja da će inicirati da se o minimalnoj plaći raspravlja na ESV-u. Shodno tome rukovodstvo UPFBiH je odmah reagovalo i angažovalo prof. Vjekoslava Domljana da napravi analizu minimalne plaće u zemljama EU, te kakav bi efekat imalo povećanje minimalne plate na privredu.

Profesor Vjekoslav Domljan, kao gost proširene sjednice Upravnog odbora Udruženja poslodavaca FBiH prezentovao je prisutnim analizu o minimalnoj plaći u FBiH, odnosno poređenje najniže plaće u FBiH sa najnižim plaćama u Europi i regionu u 2021. godini kao i analizu "Šta povećanje najniže plaće u FBiH znači za javne prihode".

Analiza prof. Domljana pokazuje da je potrebno, kako bi se došlo do povećanja minimalne plaće, smanjiti opterećenje cijene rada i smanjiti disparitet između javnog i privatnog sektora, a rast minimalne plate prvenstveno treba osigurati uz porast produktivnosti i ekonomske efikasnosti.

Prof. Domljan je istakao da je potrebno povećanje minimalne plaće, ali uz neophodno smanjenje stope doprinosa i poreza. Povećanja minimalne bruto plaće u FBiH, kako je predložilo Ministarstvo, izazvalo bi snažne negativne efekte, odnosno došlo bi do smanjenja zaposlenosti zbog otpuštanja radnika, realociranja radne snage iz formalnog u neformalni sektor, prigušene inflacije i slabljenja ino konkurentnosti firmi. U predloženoj metodologiji za obračun minimalne plaće Ministarstva finansija FBiH uzet je samo kriterij odnosa prema drugim plaćama, tj. 60 posto prosječne plate u FBiH, a nisu uzeti kriteriji kao što su produktivnost, nivo ekonomskog rasta, generalni nivo plata i troškovi života. Također, ne predviđaju se nikakvi izuzeci od minimalne plate (startupovi, firme u stečaju, pojedine djelatnosti, itd.), a što je predviđeno u brojnim zemljama, i razvijenim i nerazvijenim.

Nakon izlaganja profesora Domljana predsjednik je otvorio raspravu. U raspravi su učestvovali svi prisutni koji su se složili da se minimalna plaća treba povećati, ali uz neophodno smanjenje stopa doprinosa i poreza, te da je potrebno ukazati na to da će prijedlog Ministarstva finansija FBiH donijeti više štete nego koristi, a da bi najviše štete nanijelo upravo onim radnicima kojima se nastoji pomoći. Također predloženo je da se zatraži održavanje posebne sjednica Ekonomsko-socijalnog vijeća FBiH na kojoj bi se razgovaralo na ovu temu. Prisutni su također jednoglasno zaključili da se povećanje minimalne plaće ne može niti smije dozvoliti bez saglasnosti socijalnih partnera.

Nakon diskusije doneseni su zaključci:

A.d. 2.1. Potpuno je neprihvatljiv prijedlog povećanja minimalne plate Ministarstva finansija FBiH

A.d.2.2. Udruženje poslodavaca u FBiH je saglasno za povećanje minimalne plaće, ali uz uslov da bi došlo do povećanja minimalne plaće potrebno je smanjiti opterećenje cijene rada i smanjiti disparitet između javnog i privatnog sektor, a rast minimalne plate prvenstveno treba obezbijediti uz porast produktivnosti i ekonomske efikasnosti. Također, ekonomski je prihvatljiv samo minimalni iznos povećanja plate na teret poslodavca.

A.d. 2.3. Potrebno je izraditi medijsku kampanju kako bi se najširoj javnosti prezentirali stavovi Udruženja poslodavaca u FBiH po pitanju povećanja minimalne plaće, uz učešće svih članova Upravnog odbora i ESV-a za teritoriju FBiH, kao i predstavnika drugih članica UPFBiH.

A.d. 2.4. Upravni odbor sugeriše delegaciji poslodavaca u Ekonomsko socijalnom vijeću da ne prihvati izmjene usvojenog dnevnog reda.

Tačka 3. Razmatranje Inicijative UPFBiH za doniranje sredstava za nabavku vakcina protiv COVID 19;

Vezano za ovu tačku dnevnog reda predsjednik UPFBiH Adnan Smailbegović napomenuo da se Udruženju poslodavaca u FBiH do sada javilo preko 200 kompanija članica koje su iskazale interes za doniranje sredstava za nabavku vakcina protiv COVID-19 za vakcinisanje svojih radnika i stanovništva u lokalnim zajednicama u kojima djeluju.

Shodno navedenom, naše članice su izrazile spremnost da doniraju sredstva za nabavku vakcina, uz uvjet da dio vakcina bude iskorišten za vakcinaciju njihovih radnika, a ostatak vakcina koje su spremni nabaviti da se ustupi lokalnim zajednicama u kojima ove kompanije djeluju.

U diskusiji prisutni članovi su napomenuli da su svijesni da će prema Planu imunizacije najveći broj radnika u kompanija doći na red pred sami kraj procesa imunizacije. U tom smilu poslodavci

su u cilju zaštite zdravlja svojih radnika spremni finansirati vakcine za svoje radnike, kako bi oni bili u prioritetnim skupinama u planu imunizacije. Prema procjenama poslodavaca šteta koja se nanosi društvu i privredi zbog nemogućnosti imunizacije radnog stanovništva i građana neuporedivo veća u odnosu na finansijska sredstva koja bi se izdvojila za nabavku vakcina.

Nakon diskusije donesen je sljedeći zaključak:

A.D. 3.1. UPFBiH će uputiti dopis Vladi FBiH sa zahtjevom da od Vlade FBiH i Zavoda za javno zdravstvo FBiH zatraži informaciju o koracima i mogućnosti nabavke vakcine, odnosno o realizaciji navedene inicijative obzirom da je vakcine jedino moguće nabaviti preko Vlade FBiH. Nakon odgovora Vlade UPFBiH će krenuti u dalje aktivnosti.

Tačka 4. Tekuća pitanja;

Pod tekućim pitanjima raspravljalo se o:

- **Pitanje ograničenja marži**
- **Mišljenje Ministarstva finansija FBiH o primjeni Zakona o porezu na dohodak u vezi sa oporezivanjem udjela broj 05-14-2-1425/19-1 od 07.03.2019. godine koje je izdato po osnovu zahtjeva advokata**

Pod tekućim pitanjima članovi su raspravljali o ograničenju marži odnosno o propisivanju mjera neposredne kontrole cijena utvrđivanjem maksimalne visine marži za određene proizvode koje je najavila Vlada FBiH, a na prijedlog gospodina Nihada Imširevića. Prisutni su u diskusiji istakli da će ograničenje marži pogoditi ne samo velike trgovice već i sve male trgovine pa na kraju i proizvođače. Najveći problem je što je BiH veliki uvoznik i nema domaću proizvodnju.

Nakon diskusije donesen je sljedeći zaključak:

A.D.4.1. UO je podržao inicijativu Nihada Imširevića za sprječavanju donošenja Odluke o ograničenju marži odnosno o propisivanju mjera neposredne kontrole cijena utvrđivanjem maksimalne visine marži za određene proizvode.

A.d. 4.2. Zadužuju se predstavnici kompanija Bingo, Konzum i Merkator da u narednom periodu naprave analizu o uticaju ograničenja marži na trgovinu i potrošače, te dostave UPFBiH, a na osnovu koje će UPFBiH uputiti inicijativu nadležnom ministarstvu.

Pod tekućim pitanjima takođe je razmatrano mišljenja Federalnog ministarstva finansija u vezi sa oporezivanjem dohotka realiziranog po osnovu prodaje udjela. Direktor UPFBiH Mladen Pandurević je upoznao prisutne da UPFBiH radi na rješavanju ovog problema, te da je uključen i prof.dr. Mehmed Jahić, eminentni stručnjak iz ove oblasti.



Nakon diskusije donesen je sljedeći zaključak:

A.D. 4.2. Udruženje poslodavaca u FBiH će na osnovu stručne analize uz konsultacije sa vanjskim ekspertima pripremiti Zahtjev i uputiti Ministarstvu finansija FBiH, u kojem se traži povlačenje Mišljenje Ministarstva finansija FBiH o primjeni Zakona o porezu na dohodak u vezi sa oporezivanjem udjela broj 05-14-2-1425/19-1 od 07.03.2019. godine koje je izdato po osnovu zahtjeva advokata.

Sjednica je završena u 13:30 sati.

Zapisnik sačinila:
Mersiha Jusić, sekretar

PREDSJEDNIK UPRAVNOG ODBORA
Adnan Smailbegović, s.r.